

榆次縣續志

卷三

列女上下

卷四

藝文紀事

補遺糾誤

榆次縣續志卷之三

列女傳上

按通志局條款列女必有奇蹟方許立傳其僅以  
年例得旌者事實大抵相同宜分已旌未旌已故  
現存類著於篇書其守節年分足矣茲參酌其  
已旌者事登奏牘似不可不書已故者不書事  
恐後遂無望無以慰其苦志惟現存而未旌者  
續有事蹟不第如現在之所採自可姑從其略以  
俟將來續纂其已故無事實者則照採訪類編止  
書守節年分

山西書局  
地方文獻

王氏崇元村張必仲妻仲嬰勞瘁不能營生業氏性剛烈能自立伸臨危謂氏曰我死汝宜改適氏曰妾雖中年無出然欲使我朝秦暮楚死亦不爲伸復招其母家來勸之氏笑而不言夫死數日猝投井死二十餘日始驗容色如生

董氏東陽鎮趙律妻十七歲歸趙相夫有禮十九歲生子未幾夫故時翁姑在堂奉養無人氏仰事俯育備歷艱苦年九十二無疾而逝本鎮文昌廟立節孝碑推氏爲首

董氏東陽鎮趙楷妻年十九歲守節卒年九十一歲  
侯氏王都村侯惠勳女年十七歸王玉成家道艱窘相夫作苦翁姑歿後夫外出而故遺子甫週歲或勸改適氏毀妝自誓負子經營田間夜復焚膏紡織後子成立壽八十五歲終

賈氏使趙鎮馬宜瑞妻二十二歲守節家不中貲勤儉自勵壽八十八歲終

王氏東陽鎮趙瀾妻年二十九歲守節卒年九十五歲  
李氏中郝村郝明福妻三十歲寡貧苦守節撫孤成業壽九十一歲終知蔚州事張麟書贈匾曰節壽雙全

郭氏神頭村施玉祥妻十九歲守節七十九歲卒

靳氏侯方村趙學蘇妻二十餘歲守節年九十餘終  
段氏郝家溝馬富妻二十四歲寡生遺腹子家無恆產

紡織以養孤子完皆後又天折遺一孫與媳劉氏撫  
養成人卒年八十三歲孫已克繼家業

馮氏南關曹枝之妻十五歲適枝之十七歲寡舅姑年  
滿氏敬事不怠教子有義方後子又卒鞠育幼孫以

言成立卒年七十五歲

范氏東陽鎮趙懷相妻年二十歲守節卒年七十八歲  
李氏紫坑村李老六妻年二十四歲寡時身有孕生一

女氏矢志守節事姑至孝家貧紡績度日乞京都養

生堂子繼嗣鄰里憐其苦志贈以柏操霜節之匾壽

八十二歲終

王氏楊璧村武解元李映陽妻三十歲寡無子女二守

節五十八年卒年八十八歲

李氏北趙村生員李秉元妻三十歲寡無子守節五十

年卒年八十歲

常氏逢村郭生辰繼室于歸時年十五歲逾年夫故守

節五十八年七十四歲卒

董氏東陽鎮秦輅妻年二十五夫病革與妾趙氏矢志

守節妾時年十七及夫卒協力經營喪葬孤稍長氏

教以讀書妾力作持家數十年無纖芥隙董卒年七十九歲趙卒年七十三歲

康氏羅家莊羅國清妻幼識文字酷嗜列女傳歸羅後年二十一歲舉一子而夫亡或勸改適曰守節之難其苦倍於死氏曰不仕死而死徒爭氣耳舅姑年已高羅門一息誰爲嬰養古有陳孝婦者吾願學焉年五十一歲舅姑終子繼歿氏忍死與寡媳撫遺孫後數年媳亦逝氏獨撫孫成立年七十六歲終

龐氏小佃南村趙大章妻二十二歲守節卒年七十七歲

曹氏郝家溝鄭祥妻二十二歲夫故生遺腹子立志撫孤後生五孫七十四歲終

郭氏張慶村周雲祥妻二十七歲守節卒年七十九歲賈氏要村王步坦妻二十八歲寡家貧勤操作事翁姑敬養備至翁姑臨終語其仲子曰汝寡嫂須敬事之勿忘余言氏有遺孤早夭以姪繼嗣教養如已出壽八十歲終

趙氏龍田村于海汾妻二十三歲寡家貧紡績度日撫孤成立壽七十四歲終

馮氏張慶村張耀妻二十五歲寡子鵬良四歲士良二

歲矢志棄他撫孤成立七十六歲終

白氏侯方村趙恒德繼配年二十歲寡撫遺腹子錫珠  
成立壽七十歲終

曲氏使趙鎮侯化仁妻二十五歲寡子女俱幼旋又俱

沒撫姪木普爲嗣姑老奉養數十年無怠志卒年八

十三歲

盧氏東長子塔村王守瑞妻事翁姑以孝謹聞夫故時

年二十五歲遺孤一家事悉委決於夫弟正亭無故

不出閨閫日以訓子勤織爲務姪女幼失怙恃撫如

已出七十五歲卒赴弔者皆稱賢德

王氏李坊村韓田相妻二十七歲寡生子大壯僅五月

氏矢志守節撫孤以延宗祀七十七歲卒

趙氏聶店村李一傑妻二十二歲守節卒年七十二歲

趙氏張超村張應元妻二十四歲守節卒年七十三歲

康氏大張義村張進玉妻二十九歲寡子甫十歲翁姑

在堂氏養老字幼克成厥家壽八十歲終

李氏南田村侯加壽妻二十二歲寡家道艱窘有二子

身勤織紉苦志守節親族贈以鴛性松心之匾年七

十歲故

張氏南谷村閻秉信妻二十五歲寡夫病時氏有孕預

請子名矢志靡他生子璋事姑撫孤終身無怨言卒年七十二歲

李氏小伽南趙景福妻二十六歲夫故遺二子幼以紡績度日得錢輒買書以教子七十三歲終

余氏郝莊任秉釗妻二十六歲守節卒年七十三歲以子溫職封安人

祁氏近城村趙廷輔妻二十七歲守節卒年七十四歲  
戴氏東陽鎮楊湛妻年二十七歲守節卒年七十三歲  
侯氏京長溫張子禮妻二十五歲寡子女各一翁姑與伯姒屢令改適時有言言氏卽欲覓死既念子女尙幼身亡必至偕亡遂止有議婚者氏怒氣填胸抱孤痛哭聲動鄉里翁姑始悟其志堅而伯姒亦刮目相待氏右手殘廢惟隻手紡績以事翁姑卒年七十歲孫男女已成行矣

智氏龍田村于在瀛妻二十七歲寡勤苦自度撫二子成立壽七十二歲終

侯氏永康鎮樊慶之妻二十八歲寡守節四十四年七十二歲卒

張氏城內王文合妻二十八歲寡家貧子幼矢志守節卒年七十二歲

趙氏李坊村遷化南妻年二十九歲夫故無子女僅遺薄田四畝立志守節至七十三歲值歲大祲產業皆盡閉門忍餓而死茹苦四十餘年

季氏聖許二甲李振麟妻二十一歲寡貧苦自甘教子成立壽六十四歲終

張氏郭村武生王鳳翽妻二十三歲守節年六十三歲終

邢氏東付村張建魁妻二十九歲夫故遺子二俱幼夫兄弟俱在外雙親無人侍奉氏晝司井夜勤紡織養親撫孤以一身任之弟妻病故子方四歲鞠育猶

已子孀居四十餘年後遭大祲絕粒而死年七十二歲遺孫男一

李氏楊安村太學生褚克昌妻三十歲夫歿遺孤甫週歲氏痛不欲生有勸之者曰殉夫死何如延夫嗣氏感其言強起治家事事舅姑撫幼子孝養備至嗣夫弟與姊相繼歿遺子猶乳食氏撫育之一如已出時瘟疫流行舉室傳染氏焚香祝曰天禍我家未亡人請以身代家卒無恙聞者咸感歎卒年七十四歲

王氏褚村白如月妻三十歲寡孑然一身自食其力守義數十年光緒三年歲凶掘野菜而食竟餓死年七



十三歲

張氏山莊頭趙樹平妻年二十五歲夫歿於外家徒四壁或勸改適氏泣曰氏與姑相依爲命氏去孰與養姑者姑病以布易藥餌及姑歿語其子出外身父母子又歿於外氏歎曰趙氏一門盡矣然有我在不可使趙氏無祭壇費乃積費置產歲時哭祭臨終囑族人經紀其事卒年六十七歲

王氏侯方村侯順唐妻二十四歲寡無嗣幽貞自守事姑孝謹年七十四歲終

張氏楊盤村王維翰妻二十六歲守節卒年六十六歲  
李氏王都村王尙哲妻三十歲寡秉性貞淑恪遵婦道守節四十年七十歲卒

牛氏東陽趙兆熊妻年二十四歲守節卒年六十三歲  
武氏南關頭舖郭敬義妻二十九歲寡撫遺孤成立六十八歲終

白氏褚村趙清樞妻二十六歲守節子甫五歲教甚嚴肅事舅姑無失禮六十四歲終

梁氏王胡鎮王浩妻二十三歲寡勤紡織以事翁姑處戚黨極和厚壽六十歲臨終囑其子曰余幼失怙恃賴二舅母撫養此恩未報爾其勿忘子遵遺命饋遺

不絕

任氏東白村褚萬亨繼室二十四歲夫卒氏事翁姑恪  
遵婦道教子有義方五十七歲卒

白氏闕子頭村從九品郭桂林之側室年二十八歲寡  
守義靡他歷三十七年卒

杜氏要村李崇文妻二十二歲守節卒年五十八歲

溫氏東長澁鄭鳴岐之婦伸之母也二十八歲寡子二  
歲勤理家政一如夫在時善順翁姑意至六十四歲  
子瑞故氏痛哭而亡鄉鄰咸爲歎息

郝氏東白村褚繼亨妻二十九歲寡孝翁姑育幼子勤

儉持家詞色峻厲而待人和睦六十五歲卒

康氏李坊村李春芳妻年二十九歲寡子鳳岐僅五歲  
矢志撫孤育養成人六十五歲故子鳳岐孫鶴年並  
有賢聲

劉氏南關生員王篋妻二十六歲守節卒年六十一歲  
張氏東陽裴致祥妻年二十八歲守節卒年六十三歲  
郝氏在城頭舖生員侯嶽妻三十歲寡事舅姑誠敬備  
至撫遺子不事姑息時以勿墮家聲爲諭長子建封  
入邑庠次建疆亦成立卒年六十五歲

李氏馬蘭村趙宗旁妻二十四歲夫故無子時姑在堂

服事維勤繼姪爲嗣撫之成立卒年五十八歲

劉氏車輞村常明元妻年二十六歲夫卒家計甚艱或勸他適氏謝之口有屋可居有子可望雖貧豈不足守也苦志撫孤至六十歲終

李氏南關趙希益妻年二十八歲寡子甫三歲值家中落翁諷他適氏曰烈女不事二夫今失所天身可殞節不可改也翁見其志堅善視之氏仰事俯畜無稍懈翁卒經營葬具無失禮臨終詔其子曰葬爾祖撫爾成吾可見爾父於地下矣年六十一歲終

任氏北胡喬史瑚妻二十八歲寡家綦貧二子一女俱幼氏鍼黹自給撫孤弱成立六十一歲終

郭氏東長壽胡光庭妻二十八歲寡有小姑常譖於其母氏奉養維謹卒得歡心撫一子樹枚成立卒年六十歲

弓氏闔子頭郭大錫妻年三十歲寡于歸時姑染癩症氏除穢滌污數年不倦後夫亦卧病以隻身奉侍兩地備極殷勤其翁以賢婦稱之夫歿後撫孤守志親族贈以柏操霜節之匾卒年六十二歲

馬氏南關韓進榮妻三十歲寡咸豐間歲饑富戶某施賑子負米二斗歸氏叱曰我孀居不厭糟糠未嘗乞

貸於人此胡爲者急持去吾不受人憐也苦節三十年六十一歲終

常氏西河堡郝蘊程妻拔貢郝謙貞子婦十九歲寡子甫週歲事姑孝撫子成立焚居三十年四十九歲卒  
王氏楊盤村王道盛妻二十八歲守節卒年六十八歲  
任氏浦霖村田瑜妻二十歲寡孝事翁姑誓志守節卒年五十歲

胡氏大張義村張瑤妻二十三歲寡遺子甫三月撫養成立年五十三歲卒後人至其家見其器皿俱刻一操字蓋終身以貞操自勵云

趙氏龐志村劉瑜妻二十五歲寡子鳳來甫四歲氏就夫柩前焚鉛華終身不復御事翁姑孝謹撫子成立卒年五十五歲

白氏郝村武德周妻二十六歲守節卒年五十六歲  
宋氏永康鎮監生王必久妾二十七歲守節五十七歲卒

閻氏南關郭記唐妻秉性貞靜二十八歲寡遺腹子愛寶氏以鍼帶爲生事孀姑撫弱子守節三十年卒  
崔氏史家莊州同銜史璵妻二十七歲寡善事舅姑嚴於教子並撫夫弟七人成立壽六十七歲終

李氏侯方村侯恒德妻年二十五歲寡撫孤子侯清泰  
成立守節五十餘年終

張氏郝莊武生任殿魁繼室二十一歲守節四十九歲  
終

韓氏侯方村趙建德妻二十二歲夫亡撫孤成立守節  
五十年終

李氏郝莊任則廉妻二十三歲守節卒年五十一歲

周氏懷仁鎮趙授之妻工鍼荷善丹青十九歲寡守節  
二十六年四十五歲卒

孫氏大東關監生郝宜桂妻千總郝寶慶子婦十七歲  
歸宜桂十九歲宜桂隨父任卒於外遺一女未週歲  
氏誓守以事姑夫柩未返百計圖之以歸卒年四十  
四歲遺命以堂姪承嗣同治建元請

旌入祠

李氏東陽趙溶妻年二十九歲守節卒年五十七歲

郝氏在城廩生王章妻二十九歲寡章藉硯田致小康  
歿後有弟四人皆幼賴氏維持之事姑甚孝人以無  
子爲氏惜氏處之晏如卒年五十六歲夫五弟以一  
子嗣之

郭氏演武村趙瑛妻三十歲守節撫姪益昌爲嗣卒年

八十五歲

章氏德音村張有賢妾二十八歲寡撫嫡室子道碩教養備至卒年七十八歲

康氏大峪口李際亨妻生一女年二十九歲寡守志不稔撫女成人爲貢生王璜妻年五十六歲終

劉氏高村王珍玉妻夫故時年三十歲撫二子一女辛苦備嘗婚嫁所需皆出十指五十七歲歿守節二十

七年

牛氏朱村朱權妻二十七歲守節五十二歲卒

郝氏修文村王忠賢妻二十七歲寡上事舅姑下撫遺

孤積年如一日五十二歲卒

許氏鳴李村鄭宏妻二十九歲守節卒年五十四歲

趙氏龍田村趙全勝妻夫故時年二十歲生遺腹子貧

甚或勸改適氏矢志不移以紡績所入累黍積銖爲子婚妾宗派賴以不絕卒年四十四歲

王氏王家莊王繼修妻年二十二歲寡志堅守潔三十

九歲卒

劉氏東陽趙麟來妻年二十六歲守節卒年四十七歲

任氏閩子頭郭成州妻年二十八歲寡幽貞成性勵志

冰霜守節二十一年終

張氏鳴謙鎮張成選妻二十九歲守節卒年五十歲

金氏中郝村郝大鵬妻事祖翁姑以孝聞夫商於京家

事悉自理年三十夫故遺子女各一教養有方卒年

五十一歲

張氏使趙鎮閻華齡妻二十九歲寡有遺腹子一氏勤

儉持家恩養成立五十一歲終

張氏龍川村趙杰妻二十九歲守節卒年四十九歲

張氏張慶村李志白妻二十七歲守節卒年四十五歲

閻氏大東閻郝蘊輝妻丁歸時姑染病侍牀褥者七年

二十八歲夫歿子僅週歲矢志撫孤心力俱瘁卒年

四十六歲

王氏胡喬營董作倉妻二十八歲守節卒年四十六歲

高氏龍田村徐國昌妻二十二歲守節卒年三十九歲

閻氏張慶村張鈇妻二十九歲守節卒年四十六歲

白氏永康鎮武生許方轄妻三十歲守節四十七歲卒

蕭氏永康鎮許賜熾妻二十一歲守節卒年三十七歲

趙氏要村游濬妻二十八歲寡持身潔教子嚴守節四

十四年卒年七十二歲

馬氏安甯村高松齡妻十七歲于歸踰三年夫故氏痛

哭欲絕姑再三慰藉曰兒所以不欲生者爲無後耳

時氏夫堂兄孟齡有二女卽以其次女爲之女越數  
年孟齡生子結欲過嗣以慰氏氏曰兄始一子奪人  
之嗣不忍爲也姑侯之孟齡以氏夫係長房氏又賢  
德乃備選宗戚以子主松齡祀氏撫育子女恩義兼  
至卒年三十五歲

郭氏武村李培枝妻二十歲守節卒年三十五歲

胡氏永康鎮許榮實妻二十六歲守節四十一歲卒

李氏城內王文合子婦王之相妻二十九歲寡或以年  
幼無出諷他適氏勃然曰汝逼我耶姑已老待百年  
後嫁未晚也

害光緒三年故年四十二歲

侯氏使張都韓承歡妻年十五歸承歡三十歲夫歿子  
汝孝方五歲家貧無近親氏茹藥飲冰勤織紵供子  
讀書四十三歲故

林氏山莊頭趙文炯妻年十五歲于歸三十歲夫故賴  
夫兄養贍撫二子成立前嫂氏遺一女視如己出卒  
年四十六歲臨終囑其子善事伯父無忘撫育之恩  
人咸以知禮稱之

李氏北田鎮武生侯育元妻三十歲守節四十二歲卒  
馬氏鳴李村增生張映宿妻二十歲寡卒年三十一歲



趙氏北胡喬許繼文妻十九歲寡初氏之于歸也繼文有瘋疾翁姑恒勸慰之而氏於繼文服食起居無不躬親甫三載繼文以疾歿氏孝事翁姑愛育癡子家賴以不墜咸豐間翁適隆平貿易數年不返譌傳爲兵燹所傷氏聞之痛不欲生蓋其節孝性生如此卒年六十二歲

施氏馬謙鎮張大雅妻三十歲守節卒年七十二歲

張氏張超村張玉琢妻玉琢身故氏年三十歲勤苦度日教養孤子成立歿年五十九歲

馬氏王村楊甲祿妻甲祿身故氏年二十九歲一子尙在襁褓他人屢勸改適氏矢志靡他終全柏舟之節歿年六十二歲

誥封資政大夫王正宗之側室成孺人道光二十八年寡

氏年三十歲生子一同治三年卒時年四十六歲又汪孺人道光二十八年寡年二十四歲無子甘心守節同治十三年卒時年五十歲

侯氏西長凝范晉襄妻年二十六歲夫亡氏慟不欲生絕食數日憂憤成疾月餘亦卒

王氏東聶村從九品右賓之女自幼端靜寡言年十六適在城舉人郭公大鏞之子沂于歸數月夫以疫卒

女憤痛不食矢志殉夫至釋服之期服毒自盡時同治五年冬月也

李氏聶店村王作豐妻二十七歲寡卒年四十七歲

任氏聶店村王鎬妻二十六歲寡恪守婦道頗諳詩文卒年四十歲

王氏東聶村千總銜吉士之女年十七適龍白村某姓其夫兄素行不端數以詞調之且有強暴之狀氏愬之翁姑翁姑袒護其子氏憤極自盡一時稱其潔白云

閻氏小趙村世襲雲騎尉趙如蘭妻二十七歲守節卒年六十七歲

侯氏懷仁鎮胡養純妻二十八歲守節撫姪元灝元鼎爲嗣後灝貴顯鼎爲諸生人咸謂苦節之報云卒年

五十五歲

李氏張慶村周京妻二十二歲守節卒年七十七歲

列女傳下

王氏南莊村呂宗霄妻二十八歲守節撫孤現年八十有八

戴氏郝村丁丙直妻二十一歲守節現年八十五歲  
閻氏近城村范晉元妻三十歲守節撫孤現年九十歲  
杜氏德音村侯坤妻二十七歲守節撫三子成立現年八十六歲

郝氏南關賈充元妻三十歲守節現年八十八歲

武氏郝村李德旺妻二十八歲寡子幼姑老小姑見其  
年幼諷之嫁氏曰姑在堂而覩顏事他人誰與奉養

者况有子尙可望其成立後子患目疾甚姑曰貧苦  
若是倘兒再殘廢何以爲生盍他適以全性命氏堅  
不從至噉蕎麥葉度日子尋愈成立現年八十六歲  
郭氏楊盤村上道生妻三十歲守節現年八十八歲  
彭氏弓村張際妻二十八歲守節現年八十四歲  
趙氏大趙村王履中妻三十歲守節現年八十四歲  
許氏述巴村張瑛妻二十六歲守節一子中年卒現年  
八十有一

王氏在城段天章妻二十九歲寡撫四子成立現年八  
十三歲

弓氏陳侃村蕭萬全妻年十五歲于歸二十六歲失所  
天守素帷歷四十九年現年八十歲

許氏永康鎮魏和妻三十歲守節現年八十三歲  
柳氏王都村董生蕙妻三十歲寡教子成家現年八十  
三歲

李氏小伽南趙國棟妻二十七歲守節現年八十歲  
畢氏南莊村呂茂育妻二十九歲守節撫孤現年八十  
一歲

要氏東長壽丁榮業妻三十歲守節現年八十四歲  
趙氏楊壁村王承縉妻二十九歲寡無子撫繼子爲妻

婦王氏子旋亡年八十值歲饑得疾媳王氏以女工  
養姑數日一餐而奉養不衰如是數月姑始愈兩世  
清操鄉里重之

朱氏楊壁村王發富妻二十五歲守節撫孤現年七十  
八歲

閻氏北流村楊鶴年妻二十五歲守節現年七十七歲  
李氏鳴謙鎮白鳳臺妻十九歲守節撫孤現年七十歲  
姚氏寇村郭廣儀妻二十八歲守節現年七十九歲  
張氏在城郭運昌妻二十六歲寡撫子女成立現年七  
十七歲

王氏中郝村張大功妻二十九歲夫卒事舅姑教幼子  
現年七十八歲

榮氏使趙都趙倉妻二十七歲寡撫夫弟及己子成立  
現年七十四歲

杜氏朱村李法湖妻二十八歲寡撫二子成立現年七  
十五歲

鄭氏中郝村郝履中妻邑庠生郝丕根之媳也二十九  
歲守節撫孤現年七十六歲

王氏高坪村冀光榮妻二十八歲寡撫三子成人孝事  
翁姑現年七十二歲

高氏城內馬樞妻二十九歲守節現年七十二歲

王氏麓臺村溫有理妻三十歲寡侍姑病二十餘年撫

二子成立現年六十九歲

李氏興治村張曜南妻本平泉州人張經商其地因娶之遂家於外李數產未育年二十七歲夫抱疾西歸卒於家訃聞母憐其無依欲嫁之不可強之再四以死拒母感其誠而止氏善女紅以鍼黹自給者二十年時有族孫某亦商其地將歸氏曰吾母已亡可以歸矣非子孰攜我者因與偕行抵家抱族子爲嗣數年無與議婚者適其母兄來省視告以故遂買車復

抵平泉越四歲突攜子與婦俱歸詢之完婚纔月餘耳問何以速曰吾志已完何敢久居於外人目之曰女丈夫時年七十一歲

尙氏上戈村侯生亮妻二十七歲寡有三子長俱不才或勸改適輒正色拒之後逢災履備嘗酸辛現年七十餘

趙氏侯方村王三錫妻二十八歲寡撫週歲兒成立現年七十餘

王氏王郝村高永生妻二十九歲守節現年七十一歲馬氏大張義村宋謚妻三十歲寡孝事翁姑現年七十

一二歲

范氏西河堡郝意純妻二十九歲守節現年七十歲

武氏東楊趙盛先妻年十八撫孤守節五十年如一日

趙氏楊壁村王開夏妻二十歲守節後子與孫相繼卒

與子媳孫媳共矢苦志現年七十八歲

趙氏閻子頭郭恢基妻年二十二歲夫故善事舅姑撫

姪爲嗣現年六十五歲

賈氏德音村侯步德妻二十歲寡撫六月孤成人現年

六十二歲

張氏王胡鎮崔大功妻二十七歲寡撫二子成立現年

六十九歲

張氏西河堡樊繼德妻十九歲適繼德甫六年而夫卒

有姑在堂患背瘡氏晝夜奉侍銜食哺姑夜焚香祝

天願姑病愈終身不茹葷姑病尋瘥後繼姪爲嗣現

年六十七歲

蔡氏下黃彩王殷輅妻二十二歲守節教育二子讀書

入泮現年六十四歲

王氏沛霖村生員祁溥之妻二十三歲夫故三子以次

天撫姪孫承嗣並全姪女之節現年六十五歲

甯氏聶店村張希聖妻二十八歲守節現年六十九歲

王氏王郝村高軫之妻二十三歲守節現年六十三歲  
柴氏東陽秦立紀妻二十五歲守志撫孤現年六十五  
歲

白氏鳴李村白景鶴妻二十五歲守節現年六十二歲  
韓氏東後溝張開昌妻二十八歲守節撫繼子教養兼  
盡現年六十八歲

李氏使趙村喬占魁妻二十七歲寡孝事翁姑撫孤育  
姪現年六十七歲

杜氏張慶村許建邦妻二十七歲守節現年六十六歲  
王氏懷仁鎮胡大典妻二十三歲守節現年六十二歲

康氏使趙村范秉肅妻二十九歲夫故孝敬孀姑恩養  
子女今六旬有四

王氏永康鎮黃秉貴妻二十八歲守節現年六十四歲  
趙氏南溝村范天衢妻二十九歲守節現年六十四歲  
王氏北橋頭村張來文妻二十九歲守節現年六十三  
歲

趙氏楊璧村李春荷妻二十八歲守節現年六十二歲  
段氏城內王華妻二十八歲守節撫子女孝翁姑現年  
六十二歲

韓氏東郝村白憲妻二十八歲寡撫兩月孤子守節現



年六十二歲

羅氏北要店趙保中繼室年十七歲歸保中二十九歲  
守節撫孤現年六十三歲

魏氏王胡鎮王龍光妻二十九歲守節現年六十三歲  
趙氏北小趙村郝鳳儀妻二十九歲守節撫四歲孤成  
立現年六十二歲

張氏在城段杞妻三十歲守節現年六十二歲

寇氏張慶村周鯨妻二十九歲守節現年六十二歲  
劉氏車欄村趙祥鵠妻二十八歲守節撫幼孤事舅姑  
以天年終現年六十歲

安氏使趙村馬應午妻三十歲守節孤子天以姪爲嗣

現年六十一歲

閻氏寇村安占魁妻三十歲守節現年六十一歲

趙氏大張義村宋翼妻三十歲守節撫二子一女現年  
六十歲

張氏永康鎮議敘布政司理問王珮妻三十歲守節現  
年六十歲

任氏北流村張椿妻十八歲守節現年五十九歲

王氏修文村田英妻十九歲守節現年五十八歲

楊氏南關州同路致中妻十九歲守節現年五十五歲

楊氏小寨村趙連璧妻十五歲歸趙二十三歲守節事翁姑撫弱息子映堂以孝聞學官曾給褒嘉現年五

十八歲

張氏六堡村張鏞妻二十五歲守節撫姪爲子現年五

十七歲

彭氏西塢村郭良棟妻二十二歲守節現年五十七歲

張氏南關閻茂妻二十八歲守節以猶子承祧現年六

十七歲

劉氏張慶村周名芳妻二十七歲寡撫子成立現年六

十五歲

李氏城內侯雲鳳妻年二十一歲寡撫四歲子成立現

年五十六歲

侯氏大趙村閻晉臣妻年十九歲守節現年五十二歲

以夫弟晉材子嗣

楊氏城內守備銜郝斌之子婦使趙村前零都縣知縣

楊毓藻孫女世堂之妻也二十一歲守節撫幼子成

人現年五十四歲

齊氏王村馬建勳妻二十五歲守節現年五十七歲

李氏德音村籍有智妻二十六歲守節撫孤現年五十

八歲

田氏大張義村宋汝舟妻二十二歲守節現年五十二歲

劉氏西河堡杜希曾妻二十五歲守節現年五十五歲  
楊氏浦霖村田鶴齡妻二十二歲守節撫孤現年五十

二歲

傅氏達村張錫齡妻二十歲守節現年五十八歲

趙氏南門閻包玉妻三十歲守節現年五十九歲

賈氏陳村趙世明妻二十五歲守節現年五十四歲

高氏龍田都趙桐妻二十五歲守節現年五十四歲

秦氏南要鎮王璧妻二十八歲守節撫子女皆成立現

年五十六歲

王氏東陽鎮生員趙融之妻二十七歲守節現年五十五歲

王氏高家堡高輝光妻二十八歲守節撫二子成立現

年五十六歲

趙氏北田鎮王廣惠妻二十六歲守節現年五十四歲

賈氏車輞村常立義妻二十三歲守節孝翁姑撫夫兄

立仁子爲嗣現年四十八歲

張氏在城三鋪李清之妻二十七歲守節孝養翁姑撫

孤成立現年五十四歲

吳氏西河堡郝進瑞妻二十九歲守節現年五十六歲  
白氏西白村杜顯曾妻三十歲守節現年六十五歲  
任氏南關閻九齡妻三十歲守節現年五十六歲

王氏永康鎮劉惠鶴妻三十歲守節現年五十六歲

丁氏郝村許人敬妻二十九歲守節現年五十五歲

閻氏龍田村王崇德妻二十七歲寡現年五十三歲

李氏大張義村宋汝楫妻二十四歲寡無出苦節事孀

姑現年五十歲

戴氏杜堡村郭興魁妻二十九歲守節現年五十四歲

甯氏南關喬善譽妻二十八歲寡孝親撫孤現年六十

六歲

蘇氏六堡村李向顯妻二十六歲守節現年六十八歲

喬氏使趙村侯本全妻二十九歲守節撫二子勤勞備

至現年六十七歲

姬氏車輞村常憲周妻二十五歲夫卒氏痛不欲生以

舅姑年高子幼不敢以身殉現年六十二歲

張氏李坊村王善道妻二十五歲夫故苦志守節孝親

撫孤現年六十二歲

冀氏永康鎮黃秉福妻二十七歲守節現年六十四歲

路氏弓村張大泰妻二十八歲守節撫孤現年六十五

歲

王氏興治村張敦官妻年二十四歲夫故撫週歲子事畜劬勞現年六十有一

郭氏南要店桑海昌妻二十九歲夫以勞疾卒誓志不二苦節撫孤現年六十六歲

王氏西塢村郭魏妻二十八歲守節現年六十五歲

何氏西長凝范重路妻二十五歲夫故以夫弟子爲嗣矢志守節現年六十二歲

侯氏在城桑爾興妻二十六歲守節事畜備極勤勞現年六十二歲

王氏東祁村祁應瑞妻二十七歲守節現年六十三歲  
紀氏張慶村周五綱妻二十八歲守節現年六十五歲  
馮氏西河堡范邦彥妻二十九歲守節現年六十六歲  
胡氏懷仁鎮王在鎬妻年二十五歲寡撫四歲孤冰霜自矢現年六十歲

宋氏西河堡王鳳仁妻二十七歲守節現年六十二歲  
郝氏上營村胡永貞妻二十七歲守節子惠友年二十六歲赴金襄搬父柩遇賊得狂疾亡與媳許氏共礪苦節撫育螟蛉知者憐之郝氏現年六十二歲

賈氏內白村朱憲琛妻二十三歲守節現年四十八歲

趙氏修文村王觀光妻三十歲守節現年六十五歲

李氏北田鎮王欽浩妻二十二歲守節撫前室子如已

出現年四十八歲

郭氏西聶村趙生璽妻三十歲寡孝敬翁姑撫育二子

現年六十四歲

郭氏懷仁鎮趙仁妻十八歲守節苦志撫三月子孝事

舅姑現年四十四歲

成氏紫坑村冀爾順妻二十七歲守節現年五十九歲

楊氏紫坑村李有文妻二十六歲守節現年六十二歲

趙氏尙村尙振榮妻二十六歲守節現年七十六歲

劉氏中郝村郝正志妻三十歲守節現年六十三歲

鄭氏莊子村許增明妻年二十八歲守節現年六十一

歲

李氏王村韓貴妻二十一歲守節現年五十二歲

白氏南莊村呂茂南妻二十五歲寡勤儉持家撫前室

子如已出現年五十一歲

孫氏聶店村王作霖妻二十五歲守節現年五十歲

鄭氏莊子村胡豹成妻二十八歲守節現年六十八歲

胡氏六堡鎮張夢周妻三十歲守節現年六十五歲

田氏郭村郭璘妻二十五歲守節勤儉度日撫子炳瀛

成立現年五十七歲

李氏史家莊史璣妻二十八歲守節現年五十三歲

馬氏楊村李巽妻三十歲守節現年七十二歲

吳氏窟上村崑貢李德本之妻二十八歲守節現年六十六歲

鄭氏北要店趙直士之妻二十八歲守節現年六十一歲

張氏郝村許允宏妻二十九歲寡現年五十三歲

彭氏郭村郭載陽妻二十九歲寡儉約持家嚴於教子現年五十三歲

曹氏龍白村康玠妻年二十一歲夫故遺腹子致中時嫡庶二姑皆老而家甚窘氏矢死靡他事畜備極勤苦後二姑相繼歿值年荒極力營葬憐之者或助以財氏不肯受親黨共稱爲真節孝子致中已成立現年四十四歲

范氏王村郝萬榮妻二十九歲寡三子俱幼氏性嚴正教子俱已成立家計頗裕而勤儉猶昔現年五十二歲

李氏楊村李福安妻二十九歲寡現年五十二歲

李氏神堂溝姚楷之妻二十六歲寡生有二子紡織爲

生現年四十九歲

許氏在城頭舖桑際昌妻生一子二十三歲夫故越八  
年而姑亦卒翁七十九歲多病氏奉湯藥無少衰現  
年四十六歲

候氏遂村王珮繼妻二十二歲寡現年四十五歲

張氏什貼鎮孫澤妻年二十歲寡生子肇鈴肇鵝仰事  
俯育備極辛勤現年四十二歲

郝氏楊安村張漢傑妻二十二歲寡現年四十四歲

李氏王村韓珍妻二十四歲寡現年四十六歲

張氏西河堡范必純妾二十二歲守節現年四十四歲  
王氏聶店村張晉之妻二十九歲寡無出現年五十一  
歲

田氏相立村要興良妻二十八歲寡一子甫二歲撫育  
有方恪守閨訓現年五十歲

劉氏鳴李村白金華妻二十六歲寡立志撫孤紡績自  
給現年四十七歲

張氏西河堡郝憲文妻二十一歲守節現年四十二歲

李氏王郝村閻鳳翔妻二十五歲寡現年四十六歲

武氏張慶村郭會圖妻二十二歲寡遺腹子一家甚貧

氏以紡織爲生現年四十三歲



宋氏郝村許人貴妻二十八歲寡現年四十八歲

郭氏鳴李村附貢生鄭琮妻二十九歲寡現年四十九

歲

孫氏在城冀之藩妻二十七歲守節現年四十七歲

王氏永康鎮許爾艾妻二十九歲寡家政精明閨門嚴

肅義方教子勤儉持家現年四十九歲

孝婦義婦附

石氏車輞村喬文禮妻夫遠出貿易久無音耗氏傭工富室以養其翁凡有資與悉懷歸以供膳羞與者嘉其孝輒倍之一日從富室歸適翁欲他出苦無資氏罄貲為治裝翁歿後竭力營葬值息日雖大風雪必親臨哭奠哀痛之聲聞者慘傷

王氏李坊村張永奎妻永昌嫂十七歲歸張有賢名繼姑卧病年餘氏供奉甘旨不離左右姑歿後永昌甫三歲氏乳哺恩養至於成立永昌出外生理比歸而氏故矣永昌哭之哀以為非嫂氏鞠育無以有今日

也

李氏大張義村宋鶴年妻鶴年染喉症危甚醫言非他人吸其毒恐不治氏欲吸之家人慮其相染阻之氏曰夫在我亡繼娶猶可延嗣若夫亡如宗祧何卒吸之夫痊而氏染其毒遂亡時年二十四歲繼娶鄧氏亦節婦見前志

王氏東嶺村農人王文科之女父早卒兄以木匠營生氏適人後連生二子夫死孀居撫孤成立後其兄死母以哭子喪明年老無養贍資氏歸甯奉母藉紡織以供衣食歲時歸視子婦從不攜夫家一物後其母壽終手營葬事族人憐而助之始克葬焉

宋氏栢林頭杜同堂妻年二十三歲夫遠遊不返迄今二十二載家貧奉翁撫子皆資婦工閭里咸稱其孝現年四十五歲

榆次縣續志卷之四

藝文

榆次風土

王平格 邑人

唐魏詩存簡冊光荀文善政亦流芳自來勤儉稱民俗  
可幸輜軒下省方

中都自古產名流孫盛芳聲史乘留樸直遺風猶未遠  
至今人說晉陽秋

石亦能言石可誇左肅記事總浮夸魏榆郤少能言者  
啞啞應思蘊德華

一般清味釀瓜園不敢先嘗奉  
至尊幸得昇平安

樹藝甘分餘澁是

君恩

榆城煙柳

甯述俞 邑人

飛絮依人劇可憐  
踏青都趁豔陽天  
春風何處無楊柳  
只見榆城繞瑞煙

井峪寒泉

暑氣潛消近素湍  
一泓清影照闌干  
不須更到泉亭上  
聽著泉聲意已寒

過烈女趙二姑墓

慷慨赤心全  
趙璧淋漓碧血染  
并刀寥寥三尺留青塚  
爭共千秋罕嶺高

城北二童祠

祈雨祈至死自來  
無此誠果然  
通上帝竟得潤編氓  
祠爲二童建碑留千載  
名丈夫不濟世生比鴻毛輕

紀事

賑務

祈異

廟會

會政案據

書院生息

賑務

地方之有倉儲所以備不虞救荒歉也然當仍歲饑僅災區廣而爲日長則倉庾之所儲勢必有所不給且一經報勘往返駁查動需時日比准開放而餓殍已盈於野矣所恃本地紳富念切桑梓或慨助銀米不惜重貲或妥籌撫綏無任失所而又得賢令尹爲之董率提唱斯其事易集而實惠均霑焉光緒三年晉省赤地千里本邑城鄉村鎮紛紛報災如源渦王胡甄井等村成災十分之八雙村南要等村成災十分

之七時邑侯陳公甫下車整整待哺者日訴公庭公  
即邀集城鄉紳士自九月初一起於城內設立總局  
十四鎮各立分局皆自備資斧籌辦捐賑事務幸諸  
富紳深明大義不數月捐銀壹拾陸萬有奇於是四  
路購米定期十月二十日開賑每十日散放一次分  
別次貧極貧男婦大口小口詳列於冊遇賑期次貧  
大口給米壹升小口半升極貧大口給米升半小口  
七合半其間或糧未購到則以銀易錢與米搭放除  
動放常平倉穀七千一百七十七石三斗六升外賑  
過豌豆粳米小米雜糧一萬七千一百九十七石九

斗三升四合制錢四萬四千六百二十五千三百四  
十三文自三年十月起至四年四月底止共賑壹十  
四次半計用庫平銀一十三萬三千五百九十五兩  
七錢五分五釐又奉憲札以庫平銀二萬六千七百  
三十二兩三錢五分解交藩庫以備接濟鄰邑所有  
運米腳價及各局雜費委員薪水巡夫斗級工食並  
雇人掩骼埋斃復用庫平銀三千八百三十八兩一  
錢七分五釐是役也官與紳昕夕不遑籌議不遺餘  
力無侵漁無浮冒凡動支欸項悉登冊籍涓滴皆充  
公用雖溝壑仍不免而全活者不可勝計矣事竣之

後乃以捐賑姓氏各局襄辦紳耆刊勒貞珉以昭核實並爲後來者勸

祥異

光緒初仍歲旱荒至三年大祲濱河居民爭掘蒲根充饑次年春禾苗暢茂好蚌旋生五年夏雨霑足晚禾初插復被田鼠傷害時復有狼災三五成羣涂水南北村落傷人甚多居人行人咸有戒心撫憲懸賞購覓銃手邑城守把總王作棟素善銃法數月連斃三十餘狼其患稍息

光緒九年五月十九日酉刻地震有聲

光緒八九年間多患纏喉症醫療稍緩卽成不治城鄉男女小兒傷者甚夥十年夏旱甚時有剪髮辯剪雞翅之謠驗之良然雞卵中有蜿蜒狀人疑其毒棄而不食邑令李教人以孚佑帝君符祛邪謫亦旋止

光緒九年八月大雨涂河漲發濱河演武等十九村冲塌民屋千餘閒田禾淹沒者百餘頃時直東均被水災晉省設東賑局令各州縣量捐以濟鄰省邑令張奉文勸捐不數日富紳捐銀八千餘兩以四千兩解東賑局其餘四千九百兩稟請散給本邑災民民賴以安

五月廟會

榆邑舊有五月城隍廟會屆期貨貨雲集四方客商輻  
輳而至發兌交易月餘始罷其來赴會者向以鄰邑  
大谷商貨爲鉅且多災祲之後民生維艱不得不賴  
商賈流通藉資挹注光緒九年春谷邑忽四路招商  
議於五月自開新會時代理縣令張公承熊念谷會  
果開榆會必立形蕭索且恐別滋事端因以公牘請  
於谷令冀得中止既不蒙許邑中紳商乃赴省垣稟  
請府憲出示諭止府憲馬洞悉利弊卽凱切曉諭谷  
人令循照舊章旋委徐溝令王赴谷查覈率兩邑紳

士普勸商民各安生業其議始息當谷人議開會之  
始以榆之關津房屋什物勒索商旅爲口實於是代  
理令張具榆會緣起及有關地方生計情形稟府通  
詳立案以杜日久復啟爭端復邀集城鄉紳士明定  
章程出示革除諸弊乃禁娼賭嚴偷竊以清地面減  
房租平物價以順輿情津渡則有護送而無苛索門  
關則有稽查而無留難兵役則有巡邏而無攤派又  
於會期設立公所以紳士輪司稽察由是商賈稱便  
而會事復盛

會政案據



欽加鹽運使銜太原府正堂加五級又隨帶加四級紀錄十次 馬爲出示曉諭嚴禁事照得榆次縣向有五月大會起於五月初一罷於六月中旬相沿已數百年每屆會期各處商賈雲集利益均沾歷久相安從無異議近聞該縣富紳某等有在谷另起新會謀奪榆會之說榆民惶恐當卽稟經榆次縣張令備文移請該縣善爲勸阻以全隣好而息爭端詎該縣吳令漫不加察輕聽該紳等一面之詞竟公然出示允准並以新會已成不能挽回等詞移覆以致榆邑人情洶洶實屬不顧大局正提委員查辦間茲據榆次縣具詳並據榆邑士庶人等聯名稟控前來本府查榆邑多年古會實爲榆民養命之源豈肯甘心讓人况該縣新起會期正與榆會同在一時相隔僅數十里谷會一成榆會卽從此廢棄榆會一廢榆邑卽從此衰敗勢所必至亦理所必然是谷會之起與不起其有關於榆邑者實非淺鮮尙得以各起各會爲詞強爲置辯乎似此無情無理實難稍事姑容除詳批示並札飭該縣吳令立將前出告示撤回查銷萬不准以事在已成稍存遷就外合亟出示嚴禁爲此示仰谷邑官紳商民人等一體遵照自示之後爾等速將現在擬起之新會刻日傳諭及早停止不准再

開屆時仍照舊章全赴榆次赴會以期各安生業儻有  
豪強不法之徒負氣妄爭或再私自起會或禁約衆商  
不赴榆會以及滋生事端擾害榆會者定卽嚴拿究辦  
決不寬恕總之谷民榆民皆吾赤子本府素性耿直凡  
事一秉至公毫無偏袒今此事曲在太谷不能不代榆  
作主非薄於此而厚於彼也爾等其共諒之各宜慎遵  
毋違特示

代評榆次縣知縣  
謝署太谷縣知縣

張永熊  
王勳祥  
謹稟

大人閣下敬稟者竊卑職勳祥接奉 憲札飭赴太谷

縣會同吳令勸令太谷各行仍赴榆次赴會並查明

起衅緣由妥爲議處等因奉此遵查榆次縣五月會  
期太谷各行向於五月十五日前後陸續前往

卑職

勳祥

到後會同谷令吳嚴密查詢太谷各行均已陸

續赴榆至太谷五月起會一事前蒙 示禁遵卽停

止

勳祥等傳集紳商剴切曉諭該紳商無不感激

大人恤商愛民之殷僉稱來年決不敢再生起會之心

致失隣好榆次五月會各路商賈雲集利之所在谷

商亦斷不肯不往太谷旣不同時另起新會榆次五

月古會仍屬照舊無損榆谷商民現已均無異議除

由卑職承辦

嚴禁渡口城門一切勒索並妥議會規

以廣招來外所有查明太谷縣各行遵照仍舊赴榆  
赴會緣由理合會稟

大人查考肅此具稟恭請

福安伏乞

垂鑒卑職 承 謹稟

代理榆次縣爲據情詳請轉詳立案事光緒九年六月  
十五日據卑縣閩邑紳民舉人白生華等連名稟稱竊  
榆次縣古會起於五月初一日罷於六月中旬閩縣生  
計所關歷數百年毫無異議今春太谷富紳突欲同時  
起會以攘榆會迫舉等上控 府轉蒙 府憲通示禁

止云云在案舉等遵照回籍詎太谷縣復於五月起會  
復蒙 府憲札委徐溝縣王縣主遵照 憲諭查辦並

飭太谷吳縣主傳諭商民飭遵仍赴榆會六月初六日

奉我天諭知茲接太谷縣主函開現經邀集紳商再四

開導事已釋然一切俱照舊章不致再有異議舉等竊

思既有此函自今以後谷人不致再萌攘會之念榆人

可無地方之憂但恐日久變生又開爭競惟有籲懇據

情詳請 府憲轉詳 列憲存案庶期永保古會而息

爭端則閩邑羣黎可全生命等情到縣據此卑縣查該

紳民所稟係遵 憲示陳請尙無虛捏自應俯如所請

以順輿情而息爭端理合據情具文詳請 憲台查核俯賜轉詳立案實爲公便爲此備由另冊具申伏乞照詳施行須至申者

署榆次縣正堂李爲出示曉諭事光緒十年三月二十四日蒙

本府帖文內開蒙

貴甯道左批 本府詳該縣申送據情詳轉立案緣由蒙批如詳立案仰候

撫憲兩司批示繳又蒙

按察使司奎批如詳立案仍候

撫憲藩司批示繳又蒙

布政使司易批據詳已悉榆次會期起於五月初旬止於六月中旬既係遠年成規自應永遠遵守每屆榆次會期太谷不得同時起會以均貿易仰卽轉飭各該縣出示曉諭循照舊章各安生業勿任再起爭端是爲至要繳又蒙

巡撫部院張批如詳立案仰

布政使司轉飭知照繳各等因蒙此合行出示曉諭爲此示諭四方商賈及本邑商民人等知悉榆次五月大會業蒙各憲批准照舊舉行太谷不准同時起會

爾等商賈至期照舊來榆貿易毋庸懷疑觀望所有會政章程該會首仍照舊規毋得稍有增減以恤商艱而廣招徠其餘津渡水夫城門兵役不准藉端勒索至遊方僧道估強布施棍徒惡丐恃眾喧鬧准該會首送案以憑嚴懲決不寬貸各宜慎遵毋違特示書院生息

鳳鳴書院同治元年因修志餘資除補修文廟外餘銀一千兩仍發當行按月八釐生息合前共銀一萬一千兩每年得息銀一千零伍拾六兩山長束修生童膏火皆取給於此

莊子村何振浚於同治四年施入書院小東關老虎地二畝五分

補遺 堡寨 河渠 恩宴 科目 例仕 人物  
列女 藝六人

堡寨

小壁村寨築於道光間伽西村寨下峪村寨修於咸豐  
間繞寨濬深溝中穿孔道儼若城池村人恃以保固  
河渠

興隆渠在沙溝合流二村康熙開村民鄭萬俊等開長  
七八里灌地十餘頃雍正間因峪壁村爭佔控經

欽差周勘定以長甯八達之退水口即沙溝合流之接水  
口永遠不許峪壁村越次漑田久之河漲發渠路塞  
至道光間渠路始通峪壁村復爭成訟因王文邦等

理處以峪壁村實在下流俟二村澗畢方得用水有  
重開興隆舊渠碑紀其事

德音村南渠流田三十餘頃道光初因鄰邑南席村爭  
水興訟里人楊士恭侯琬等呈懇 列憲委員勘驗  
斷令任水自流均沾水利自南往北四百二十步地  
高渠低准往西掘堰灌地案結立石於府署紀其事

恩賜千叟宴

郝廷珮

西河堡人乾隆  
丙辰年

周順天

張慶村人嘉慶元年  
赴

科目

王璽

郭村人乾隆五十八年歲貢

例仕

郝乙桐

西河堡人前任  
屯留縣教諭

許

侃

張慶村人明萬曆間  
任陝西褒城縣知縣

人物傳

才品

文學

才品

張麟書字素文城內人養之六世孫養舊志有傳少隨  
其祖天澤公廣東高州府署讀書性仁愛留心吏治  
中乾隆乙酉舉人大挑一等銓知縣歷任直隸龍門  
清豐等縣調天津縣以卓異陞知州歷蔚州涿州定  
州等處任定州時遭雨四旬民無所棲止廟宇衙署  
老幼充塞公急爲區畫捐廉築舍民賴以安州境屬

通衢百里餘內村落稀少夏季行人頗苦之公植樹表道遠近感戴解組後士民親賚愛繼韓蘇匾額

文學

閻南圖字天池號蕤南關人少學詩凌駕排冝專講體格似唐初四傑既學大厯十子學四靈晚境則純任自然直造放翁堂奧好填詞慷慨悲激無柔靡習遇得意處輒自按洞簫度之著有柳蟬吟雨詞鈔好鐫印章著蕤臯印譜好畫風林霧岫漁舍樵莊莫不楚楚有致天池弱冠攻舉子業游庠食餼以誤中副車遂棄之遠游凡名山大川往蹟勝境悉發於詩歌晚歲歸以醫學游食於鄰邑著脈法正宗外科囊括諸書遂卜居太谷之東莊有南村詩草留影龕集

列女傳

格寡婦農家女失其姓氏爲王郝里格氏婦未葦夫死翁老且鰥而有中人產族人有所需輒自持去翁怒則曰若旦暮人物固吾輩有也奚告爲翁詈之則撲之而去寡婦黯然傷察翁旋處有坎窞曰是尙可生子乃爲翁買妾甫生子而翁死妾求去寡婦苦留之不可得乃詣醫買乳藥醫知其未嘗乳也笑曰若飲此乎寡婦毅然曰我飲此也一飲而潼酪流遂聽妾



去自乳其叔而理其生業叔既長爲娶妻既生子頗以遊嬉廢農業寡婦杖策呼之叔不敢違終身事之如母

藝文

與竹瀧書

周 鈇 邑人

上谷虜患猖獗誠如尊論承平日久上下俱事因循將來隱憂不但如今者九邊皆然豈特一鎮也執事適在地方此天畀以垂勲之地報效國家必有經久之策但今日士夫論事抱忠憤者每傷於過激圖身家者多敗於近名近名者浮略掇陳無足論也過激者人情未悉事體未諳亦礙施行部議往往寢閣無怪其然虛心平氣灼見詳盡什纔二三而已當事者又或所見不同此天下之事所以難也執事負天下之望有拔俗之識卻顧遠見自有繩尺鈇所望者隨事察其弊端而思以拯之因事立爲成法而思以繼之又參以衆論之公酌以古今之宜可行者不搖於異議可疑者姑俟其將來積以歲月自無不舉之事矣

與曾石塘書

敝省殘破之後益以凶荒人心渴於思治當亡俯順輿情簡畀碩望非直爲一省計耳山西安則畿輔安畿輔

安則海內俱安矣所論北虜消息連年猖獗勢本難支然在我修備有不可不預且力者若上下因循延捱歲月多是臨事噬臍耳地方罷敝公私匱竭誰不知舉措之甚難然寬假於未事之先而三免震厲於有事之後雖曰愛之其實害之故明罰勅法不但地方之福亦有司之利也

與朱白甫書

春間石林過諗知榮任平安比來遇東人獲聞省刑勤政平易得民甚慰遠望大抵牧民如牧羊能勿擾之而已旦夕芻秣尤善也今稱能於天下者率以俗敝民訛淫刑求勝卒之刑日嚴而民日離日前粗得了事歲月之間已窒礙難行矣間有灼知治體者又不能持之以久此善後者之甚鮮也賢壻既有令聞勉無倦怠以耐煩消釋躁忿以高明俯悉閭閻真有父母斯民之心處事如家之意將來之善無窮也

茗座紀聞

桑芸 邑人

虛公美德也若徇人是代償其恩怨潛確正志也若執已必誤認其是非

曹參與蕭相不相能而信其必薦已叔向與祁奚不相能而信其必救已古人在道義上著生平不在恩怨中

作活計

飽怒饑嗔爲下流易犯之科情恕理遣見君子優容之度

徇情而枉法與受賂同科受賂而庇奸較原犯加等刑具朝廷之法也用以快私憤是自蹈其愆尤名爵朝廷之器也用以報私恩必自損其祿位

朝廷之法網益密惟在奉行之有方閭巷之風俗欲淳先視鼓舞之得體

平原獨無黨錮匪但忠厚而兼挺持鮮于不給青苗正以端和而存砥柱

官府有一興釐吏胥得窺其意旨鄉紳有一好尙里社遂沿爲風習可不慎乎

魯隱公攝國論

王系邑人

孔子修春秋斷自隱公說者曰貴讓也今攷公羊穀梁氏之說則隱之讓無疑也若左氏所記載則固不能無疑者禮諸侯不再娶夫人死娣姪以次攝內政聲子繼室而生隱隱固宜爲君者矣然惠公旣越禮而以仲子爲夫人天子弗以討大夫莫以諫此豈隱之所得爭也者桓雖少隱以親賢執政而輔之其可也會盟征伐之事以上卿奉命而往其可也不可攝也攝則疑而隱之

地固疑且又未知隱之攝爲有父命者乎爲無父命者乎其有父命則當辭其無父命則不當以疑地而復行疑事也此公子翬殺桓以求太宰之請所由來也太子何人哉殺何事哉太宰何物哉人不難焚滅天地以快其貪此豈啻爲梟爲鴟無所容於人世者迄今讀之猶爲之椎案隱有不赫然怒者哉誅翬立桓遽反菟裘而徐營之則其光明正大之概皦然於天下萬世夫何不見諒於桓之與有而隱夷然也曰爲其少也使營菟裘吾將老焉當是時桓之年可以君國矣而將之爲言又且然而未必之辭也惜翬遽反譖而翼桓以殺隱天下於是痛隱而惡桓痛之至則進之於夷齊泰伯惡之至則夷桓於商臣州吁脫翬終行其殺桓求太宰之志吾未知隱何以處之也其誅翬乎是以翬爲成濟也其遂太宰翬乎是以翬爲隱計也嗚呼聖人往矣書闕有間矣公羊穀梁氏之論斷左氏之所紀載吾未知其孰從而孰違然則如之何曰闕哉

程蘇二學論

學豈有二哉程蘇之歧而二也其徒爲之也其初不過本末精粗之際稍有所倚則不能無生得失生得失則不能無論辨論辨起則不能不相訾議而其徒遂分門

戶守藩籬學程氏者指蘇氏爲浮華學蘇氏者目程氏爲迂腐洛黨蜀黨之名立而出此入彼若與楊墨辨蓋亦惑矣東漢時君子黨君子小人黨小人識者猶以爲憂譬一身之正氣不足而邪生扶養正氣邪將自化邪氣化而正氣益強有何彼此若以畛域相攻擊微論邪能勝正卽以正勝邪豈能無傷於元氣宋之時小人方指君子爲黨爲君子者又自割裂標榜以快小人心而實其口何惑之甚也請言夫學學者學爲道而已道有五行之者一體之於身爲德行措之於世爲事業載之以言爲文章莫非道也卽莫非學也程氏之學於天

人性命身心之故公私誠僞之間辨之明行之篤動靜語默若著蔡然發爲文章雖不矜競炳炳烺烺之色震耀耳目而其淡泊純粹足以自成一家言程氏何嘗無文也蘇氏之文橫絕今古子瞻雄肆老泉簡質子由宕逸要其所發明莫非六經之理昌黎所謂仁義之人其言藹如者蘇氏何嘗非道也必以蘇氏工於文遂別之於程氏試觀程氏兩夫子明道靜悟處多伊川講習處多明道渾融包舉伊川條理精詳明道之應物圓伊川之應物方將取程與蘇而二之亦將取程與程而二之哉學蘇氏者震於其文徒自文辭入不知自道入是已

不能知蘇安望知程程氏之徒見其如是遂以爲浮華而斥之不復究其本始今觀蘇氏父子兄弟生平出處有大謬於聖人者乎公論具在孰得而誣之嘗持衡而論程氏敦本自本而達之末其道甚精其術無弊蘇氏緩於本而急於末亦能由末以窺本比於程氏爲粗而非有二也學無二道無二也腐程氏則將腐六經華蘇氏亦將以六經爲浮華也哉二氏之徒不足論歐公論朋黨亦不能不於無可區別中強爲區別漢之李杜唐之牛李宋之洛蜀貽誣人家國何可勝道吁可慨也夫

夷齊讓國辨

郝文光 邑人

郝子曰余嘗讀夷齊之事而疑焉傳稱孤竹君欲立叔齊孤竹君卒叔齊讓伯夷伯夷曰父命也遂逃去叔齊亦不立而逃之子貢因出公輒之事以夷齊爲問孔子稱其求仁而得仁子貢原未明露衛君之事聖人辭氣渾含故告之如此且求仁得仁亦止答怨乎之間並未言所以求仁得仁者在何處使子貢專因夷齊之事窮極而詳問之孔子自必更有其說當日引此徵彼其迹固正針對衛君然謂以讓國證衛君則可謂以讓國定夷齊則大不可朱子謂伯夷以父命爲尊叔齊以天倫爲重其讓國也皆求所以合乎天理之正而卽乎人心

之安亦止就事論事耳而今古同辭遂謂夷齊之讓國夷齊之所以爲仁嗚呼匹夫慕義何處不勉讓國雖難好名之士類能強成之不察其心而徒以其迹何曠曠耶泰伯以太王欲傳位季歷遂於太王未卒之先與仲雍託採藥以逃讓之者無迹受之者無愧故孔子以至德稱之使伯夷以父命爲尊與當其父之未卒而託詞逃焉可也叔齊以天倫爲重與亦當其父之未卒而託詞逃焉可也顧俱計不出此不逃於其父未卒之先而逃於其父既卒之後更必昭著其詞抑獨何與且不揣其本而齊其末非所以權輕重也試思尊父命爲重乎

絕國祚爲重乎序天倫爲重乎斬血食爲重乎使夷齊既去之後若無仲子以延一綫孤竹其不國矣絕國祚斬血食忍而爲此以徒成其讓國之高於天理合乎於人心安乎則夷齊正當問以不孝之罪而尙得謂之仁也耶孤竹之國受之先王傳之祖宗子孫世世守之固非其父所得而私也以父命之故逃而去之是蔑先王棄祖宗而止知有父也且父有是命而國遂因之以亡適成父過耳天倫之內父子與兄弟孰重以天倫之故逃而去之是知有兄弟而不知有父子也是視其父反不如視其兄也吾不知其所謂天倫者安在甚矣讓國

之不足以定夷齊也明矣吾於是歎夷齊之心之至隱至微而能全其仁也孟子稱伯夷得百里之地而君之能朝諸侯有天下行一不義殺一不辜而得天下則不爲也伯夷若是叔齊可知已當是時紂無道商祚淺衰使夷齊得國以爲之君德足以配上帝集六勳則牧野之舉未必遂在於武王也天命旣歸人心旣順雖不欲伐商而有天下其可得乎夷齊德足以至是而義有所不爲故託父命天倫之說逃而去之陽若爲兄弟讓國者然而其心則固有所在也蓋有國則必代商欲不代商則莫若不有其國權輕重明去就惟求合乎天理安乎人心而其意隱微無迹可見孔子之所謂仁者蓋以此也觀扣馬之諫採薇之歌則固其彰明較著者矣且伯夷聖之清者也惟清故隘非其君不事非其民不使不立於惡人之朝不與惡人言是時上殘下慢此乾坤何等時耶若有孤竹之國能不事其君乎不使其民乎不立其朝不與之言乎厥後雖潔身去國猶辟紂於北海之濱而謂其肯君孤竹而實逼處此乎伯夷如此叔齊又可知已余故曰讓國特其託詞耳後人不察遂以讓國誣夷齊則後世何嘗無兄弟讓國者是皆夷齊之流耶



登鎮朔樓

周 鈇

凌高望渺茫夷夏此分疆戰馬嘶秋草歸鴻度夕陽風  
寒金柝急檄遠野薺香豺虎中宵遁牛羊滿塞荒

題侯烈婦李氏全家殉難冊

有引

桑 芸

氏爲太谷侯騰宇妻宇商於京有士君子之行氏  
居田橋村多溝澗姻親紳士避闖難者咸依之及  
負屠搜捕宦紳因圍田橋氏潛地窖薰灼知不免  
率女若媳及族眷婦女少長十三人同死於井邑  
令韓公傳其事兼見於直指章奏爲有感於巾幗  
之勝冠裳也慨而賦之

丈夫重氣節女人惜生死恒情自昔然今切不如此闖  
氛竭西來將吏如山頽弱者勾殘喘黠者然餘灰誰似  
侯家婦代夫健持戶遇變恥瓦全駢命無返顧宦紳夙  
昔爲瓜藤避亂如鳥依叢林城門火及池魚厄居停胡  
不同翰訥此時全家潛土穴安坳背井爲歸結已知毒  
霧透重闕自分泉壤堪砥節小者先大者後慰勉同沈  
莫邈逗掌珠共作井中泥主婦就義差無疚一世慈腸  
一旦休時危性命等浮漚但使身全歸淨土何妨屍隕  
無封邱悲傷慘澹了心事遑及浮名身後計太史采風  
達九重磨礪閨房爭意氣惟念鬚眉冠蓋今如許展卷

愧此裙釵女

示子飛

王系

丈夫少之時血氣固未定睥睨古今蹀躞無遠近焉  
知急遽心翻爲鹵莽病俟之以從容持之以敬慎心以  
敬乃細氣以從容進譬諸搏萬里豈其爭一瞬又如舉  
百鈞不必銖兩競試觀古聖賢功夫在主靜

鷺

野鷺來何處羈愁顧影單豈無千里志聊借一枝安紺  
趾丹霞沃青衿碧玉寒飛騰終有日莫使羽毛殘

兩賢祠懷古

高棟飛甍遠煥然漫從今日想當年梧桐有淚含秋雨  
鐵鳳無聲立暮煙脈脈精靈通古昔遲遲理數轉人天  
印心亭子非虛設知是前賢待後賢

冬日郊外感興

閩南圖

邑人

適野扶筇杖天清風物虛寒雲摩鶴鶴殘雪帶林墟身  
世羞長鋏乾坤荷一鋤百年拚養拙樂意滿禽魚  
高枕存吾道林泉興不違葦塘雙鷺浴雪嶺一樵歸市  
井多驕詔煙霞少是非長鏡吾所愛吟嘯採山薇

晉陽詠古

亭子山頭叫竹雞夕陽茅舍帶寒溪書聲欲認桃源洞

寂寞風流白子西

彤霞樓趾在河洲落日寒光激亂流岸草汀花零落盡  
凌雲舊記尙存不

青奇古檜映荒廬愛月堂空祇廢區爲憶城南賢太守  
幾番清淚滴蟾蜍

感懷

擊缶悲歌行路難蕭條身世笑儒冠殘篇剩有唐衢哭  
破絮誰憐范叔寒百軸瑯玕琴欲碎十年風雨斂頰彈  
燒殘華燭清宵永好把吳鉤仔細看

春懷

春殘風雨暗相催無緒憑欄日幾迴麥穗熟時蠶漸老  
棠花落後燕初來逢時自愧唐虞際懷古深憐管樂才  
青鏡流光容易老林鶯語巧勸啣杯

曉寒風透掩雙扉深院黃昏獨坐時芳草時光蝴蝶老  
落花心事杜鵑知人如江海戕翎雁命比泥塗曳尾龜  
窗外綠楊飛絮也嗚鶯猶戀最高枝

榆邑征收地丁錢糧碑記

李作樞

邑人

粵自禹平水土稷教稼穡三代分田授畝咸借民力以  
奉公什一之法所由興也乃貢法以取盈爲常曾見譏  
於龍子若殷之助周之徹雖授地不同命名有別而公

溥簡便總不外井田者近是千古良法美意莫過於此  
休哉何風之隆也及魯宣公稅畝而取什二秦商鞅變  
法而開阡陌列邦之井田半廢矣始皇并諸國改封建  
爲三十六郡天下之井田大廢矣嗚呼井田一失從此  
取民無制豈堪問哉或租或貢或稅或賦大抵重征者  
多而薄斂者少世代相沿不可爲訓觀冊記所載有令  
人逃之不勝述傳之無足傳者也尋聞有仁厚之主意  
欲復古無如田捐於民強奪必招怨讟季世而思復井  
田洵戛戛乎難之迨唐太宗龍飛海宇念稼穡之艱難  
惜百姓之膏脂舉鄉遂都鄙以迄山陬僻壤審地勢察

土形編里甲圖籍以課農接合勺升斗以輸粟田有肥  
磽粟分多寡卽今征糧法也又患收民之粟難於轉運  
以粟征銀君民兩便雖不若三代井田之甚善以視夫  
駿民肥已者其賢不肖相去何如也數傳至德宗楊炎  
作兩稅賦隨民之有田者稅之而不問其下中宋王安  
石倡青苗法隨田之在民者稅之而不問其多少唐租  
庸調之制一壞於楊炎再壞於安石二人之事爲廉吏  
所羞稱君子讀史至此未嘗不太息痛恨於楊王也所  
以元明兩朝有志安民者往往詆其非而尙遵唐制我  
朝定鼎亦踵而行焉所謂王者起而必取法者非歟今當

雍熙之世難甘豺狼爲害試錄征糧之章程如左遺年如何徵收其詳不可得聞亦無容贅自乾隆年間審差後以一四九七征之每石糧征銀一兩四錢九分七厘每兩官多不過市平銀一兩三分交庫另加耗羨銀錢三分共交銀一兩一錢六分傾官銀一兩與銀匠火資工錢十五文不料日久弊生書吏銀匠包戶內外串通瞞上虐下屢年增長漸加至一兩二錢二分火資錢加至六十文鄉民念糧關國課皆含忍莫敢爭闔縣難堪久欲伸控嘉慶二十五年春適永益庫屋漏橫朽十總里糾集士民公議按糧攤錢修理庫橫衆皆應允於

春二月十三日以願修庫橫乞恩減革重征事稟縣蒙批永益庫係收貯錢糧之所塌損本應各里公修但思派累民間不無紛擾今本縣願自行捐廉辦理爾士民等不必再以急公願派爲詞混行稟瀆至銀匠書吏包戶等如果分外科索自可隨時稟究豈能因此另易章程據此殊難准行無奈於十八日又以鈞批渾含捧誦未悉乞明確批示定章程以平征收等語具懇爾時遇本縣兩學兩將並補廉有公事同在縣署遂談言及此縣天方洞悉情弊蒙批本縣征收錢糧向有一定章程日久循行本難改易爾等既稱銀匠書吏包戶不無

索詐等情准將花戶所納錢糧着卽照當日之定例辦理可也批示後本邑馬觀光等六人感縣天之恩恐其下收易而上交難從中調停排解除一兩一錢六分外與官加使費銀二分共一兩一錢八分之數銀匠等免其飭責每兩官限火資錢叁十文章程既定春季照此交納詎銀匠等猶不免把持之弊是以具呈公保銀匠另設銀鑪秉公傾收以分其勢但慮年遠日久倘伊等仍蹈前轍口爭何足爲憑因鑄石於大西門外龍王殿內以垂永久囑余記余係事內人且錢糧重務義不敢辭故不揣耄荒合呈詞批示而並記之

後移衙院

### 張慶等村退水碑記

太原西賈五村地形卑下郭家堡楊村張慶等渠引涂灌地偶有浸淫輒興大訟數百年來屢有開渠退水之工同治三年又起訟端經官會勘仍定退水之議相其順逆由橫河而西賈而梁家莊小北格大北格鎮西北格三賢同過劉家堡石溝東里解以入於涂令郭家堡楊村張慶三渠帮錢二千串西賈五村自行興功一路所占之地或租或買及屢年疏濬俱歸西賈五村不干張慶等村之事工竣後知縣吳公師祁記其事勒於石

糾誤

河渠

武畧

河渠


西河堡渠前在弓村西界引水同治年志誤爲馬村接  
水今改爲王郝西長壽等村引水俱有河租

武畧

許大詔張慶村人舊志武舉科誤作昭府志作詔今案  
其家乘大詔字恩榮由營伍中式乾隆庚子武舉嘉  
慶間川匪滋事從總制德公征荆襄有功擢任吉州  
都司其兄大勳亦由行伍任徐溝把總後陞交城把  
總卽千總德之父也德之子孫寄籍平陽

省城會元齋葛世廷刻訂





[光緒]榆次縣續志四卷

(清)吳師祁修黃汝梅等纂

清光緒十一年刻本

二冊

原件收藏

山西省图书馆

原件书号

00977-00908

原件状况

原件有部分破损

原件有部分字迹模糊

本部书共摄制 1 卷 卷一至卷四

版权所有 不准复印

# 本部书完

本片卷含：卷一至卷四